

重修植物名實圖考

小野職慤重修
蔓草類

重修植物名實圖考卷之二十三

清國 吳其濬原撰

日本

伊藤圭介 校閱

小野職懋 重修

岡松甕谷 句讀

蔓草類

四喜牡丹 即追風藤

刺天茄

刀瘡藥

紫地榆

滇白藥子 ムカゴドコロ

葉上花

堵喇

土餘瓜

滇土瓜

昆明雞血藤

繡毬藤 ツリガネカツラ

扒毒散

崖石榴

金線壺盧

銅錘玉帶草

黃龍藤

地棠草

漢紅魚腥草^{ヒメフウロ}

昆明沙參 即金鐵鎖

鞭繡毬

金雀馬尾參

碗花草

青羊參

架豆參

青刺尖

紫羅花

鐵馬鞭

白龍藤

鞭打繡毬

大發汗藤

飛仙藤

薑黃草

雞血藤

紫參^{ヒメアカネ}

滇紅革蘚

山苦瓜

染銅皮

過溝藤

馬尿藤

眞防己オホツ、ラフヂ

眞兔絲子

小雞藤

山豆花

野山葛

透骨鑽

土黨參ミヤマツルニンジン

巴豆藤

眞淮木通

飛龍掌血

竹葉吉祥草

山紅豆花

象鼻藤

珠子參

山土花

四喜牡丹



四喜牡丹 卽追風藤

四喜牡丹、生雲南山中、長莖如蔓、附莖生葉、三葉同柄、復多花、父微似牡丹、長五六分、春開四瓣白花、色如梔子、瓣齊有直紋、黃蕊綠心、楚楚有致、惟莖長花少、頗形寂寞、

四喜牡丹

刺天茄



刺天茄

刺天茄、滇黔山坡皆有之、長條叢蔓、細刺甚利、葉長有缺、微似茄葉、然無定形、花亦似茄、尖瓣黃蕊、粉紫淡白、新舊相間、花罷結圓實、大者如彈、熟紅、久則褪黃、自春及冬、花實不斷、滇本草、刺天茄、味苦甘、性寒、治牙疼、爲末搽之、卽愈、療腦漏鼻淵、却風、止頭痛、除風邪、


刀瘡藥



刀瘡藥

刀瘡藥、生雲南、藤本、蔓生赭綠、莖葉似何首烏、色綠、微寬、無白脈、葉間開花、五瓣、外白內紫、紋如荊葵、數十朵、簇聚爲毬、又名貫筋藤、殆能入筋絡之品、






紫地榆

紫地榆

紫地榆、生雲南山中、非地榆類也、圓根橫紋、赭褐色、細蔓繚繞、一莖一葉、葉如五葉草、而杈歧不勻、多鋸齒、蔓梢開五瓣粉白花、微紅、本尖末齊、綠萼五出、長於花瓣、托襯瓣隙、結角、長寸許、甚細而彎、如牛角、考滇本草、有赤地榆、與本草治症同、又有白地榆、味苦澇、性溫、與地榆頗異、此又一種、按名而求、則懸牛首市馬肉、不相應者多矣、

紫地榆

滇白藥子



滇白藥子

滇白藥子、蔓生、根如卵、多鬚、一枝五葉、似木通、而微小、梢端三葉、夏開花、作穗、如白花何首烏、結實如珠、考白藥有數種、而說皆不晰、滇本草謂、只可醫馬、不可吃、而又載興陽道諸方、其說兩歧、殆不可信、

滇白藥子

葉上花



葉上花

葉上花、生雲南、蔓生綠莖、一葉一鬚、葉或五尖、或三尖、大如眉豆葉、花生葉筋脈上、作小尖、膏癸、上紅下淡、花密則葉枯、其筋脈卽成小莖、結實如珠、色紫黑、廣西通志、紅果草小者、圓葉邊花、莖有軟刺、可治牙痛、疑卽此類、

堵喇

